



Vun frieher un heit for Bensmer Leit
Bergsträßer Anzeigebblatt 05.11.1949



Rings um die Lieb



Die Lieb schbeelt im Lääwe e groußi Roll. Wuuhie mer guggd begäijend mer ehre Auswäikunge. Ze vegleiche isse mirrere grouße Schlingblanz. Die umschlingt alles un wammerse nor owwerflächlich betroachde dutt, leßt se aam mit ehre schäine roure Blume vun aaner Bewunnerung in die annere geroare. Awwer wär Schlingblanze kennt, woaß aa gena, dasses unner deene oft ganz annersd aussischt, als wie sich's beim flichdige Hiegugge ahne leßt. Wie veel Blanze und Blenzelchin veschdigge drunner un kriehn die Krenk, weilse sich aafach gäje däs Monschdrum net wäijern kenne. Unner de Mensche tritt die Lieb in de veschiedenschde Forme uff. Nor wär Glick hot, läärnt die Lieb vun ehre beschde Seit kenne. Awwer die annern? Die oame Deiwel babble nor net driwwer!

Hie un doo kriecht mer die Lieb als Nechschdelieb ze schbiern. Awwer nor ganz sälde, unn doonoch isse mit Vorsicht ze genieße. E oaldi Erfahrung bewoahrheit sich doodebei oft: Vun dem, wuu die Leit am maischde babble, häwwese sälschd am wenigschde. Es hot mool in meiner Juugendzeit en Mann In Bensmer gäwwe, där hot aus puurer Neechschdelieb manchem aus de Batsch geholfe. Wie dann där betreffende awwer geschdorwe woar, homer dem seiner Fraa en Schuldschoi vorgewesse un hot sich däs noch mool rausgäwwe losse, woas lengschd zerrickbezoahlt woar. Iwwer sei Neechschdelieb horrer neemlich ganz vegässe gehadd, den Schuldschoi zeverrobbe, woaser dem leichgleiwige oarme Schlucker houch un heilig versichert hot. - Ja, un wie schdäihts mit de Hoimatlieb? Veel Leit singe rihrselige Lierer devuu, häwwer awwer ehr Hoimat ball vegässe, wannsen wuu annersd besser gäiht. Kaum sinnse zum Beischbeel e poar Joahr von Bensmer wäk, do kennese schunn net mäih Bensmerisch babble. Veel schlimmer isses, dasses zudem noch ehr aijnes Näscht be..... wuuse uffgezoooge sinn worrn un alles drauß veel besser schäiner finne, als wie dehaam.

Hie un doo kimmt die Lieb noch als Vadderlandslieb vor, säldner als Neigungseh, oft awwer als Gäldheiroat.

Bei Diern is die Lieb aa gelaifig. Doo isse manchmool noch uuefälschder als wie bei de Mensche. Besunnerscht bei de wilde Diern, vuu wunde Mensche noch nix oabgeguggd häwwer, isse am meischde ausgebild. Die losse sich liewer umbringe, als dasses ehr Junge annern iwwerlosse deen. Es gitt freilich aa Raaweäldern unner deene, awwer die Affelieb wärd ärschd gefährlich, wann sich de Mensch em Aff gleichgeschdelit hot.

Bei de Hausdiern isses wirrer annersd. Die häwwer vumm Mensch schun zu veel geläärnt. Die Hauskatz leßt sich zum Beischbeel ehr Kätzelchin wäknenne un schnorrt debei, weilse onimmt, dasses in de Hend vunn annern aa gut uffgehawwe weern. Doodebei wärrnse glei druff haamlich um die Eck gebroacht. Ehnlich denke veel Leit, wannse ehr Dochder an aan vehaijern, där wuu veel Gäld hot orrer sunschd wie hälfe kann. Wie oft is doo schunn aus dem veschbrochene Himmel e woahri Hell worrn. Und wies bei de klaane is, sou isses aa bei de Grouße. Iwwer Färschdeheiroate, besunnersd in friehere Zeire woaß mer joo Bescheid. Doodefoor hot freilich aa schun mancher Rittersmann vun anno doozemool den Kampf mirreme Drache gewoagt, nor weil er e Keenigsdochter orrer e anneri Jungfraa befreie wollt, wuu vun dem Biest bewacht worrn is. Schbeerer, wie er se

endlich gehadde hot, hot sich erausgeschdellt, dass sich ball zu eine gräßere Drache ausgewoachse hot, als wie där woar, den wuu er im Kampf um Doud un Lääwe oabgemurxt bot. Ja, wammer nor alles im Voraus wißt. Er hettse dem Udier dann liewer gelosse.

Ehnlich isses mool sällem junge Mann gange, där wuu baduu geglaabt hot, er kennt ohne die Anni net lääwe. Aersd wie aus de Anni e anneri worrn is, horrer soin Aerrdum oigesähe. Es woar awwer zu schbeet. Häljert nor:

Wie er soi Anni hot gefreit
Un korz druff aa gehajert,
Horror geschwelgt in Seligkeit
Un oftmoals ehr bedeiert:
„Ach Anniche, wie ich Dich lieb,
Däß kann kaan Mensch ermässe!
Am liebschde deet aus teurer Lieb
Ich heit noch uff Dich frässe!“ — —

Doch woar schun noach de ärschde Joahrn
Vun Lieb nix mäih ze mäike.
Se leihn sich schdennig in de Hoarn
Und fluche wie die Däike.
Er schitt ehr ins Gesicht die Soos
Mitsamt soim Middoagsässe
Un kreischt: „Hett ich Dich Deiwelsoos
Nor doomools uffgefrassel“

Ja die Lieb — die Lieb isse Feierzeik, mit dem wuumer orik vorsichtig umgäih soll, sunschd vebrennt mer sich leicht die Finger. Dann e Feierzeik is kaa Schbeelzeik, veschdanne. Trotzdem gäihn veel orik uuvorsichtig mit um. Es wärd drufflous gehajert, dasses nor souen Schdaat is. Un es Enn vum Lied? — Doo hajern sich Päärchin, die wuu mer am liebschde noch schnäll vorde Hochzig ausenanner robbe meeht, weil mer waaß, dass net zamme passe. Awwer wär will de Katz die Schäll ouhenke? Es weer grad sou, als wammer sich in en Schdreit, wuu sich e poar Hitzeblitz gäjeseitig vahaage, noihenke wollt. Am Enn kreeschd mer vun alle zwaa sei Schlee. Mer freegt sich oft: Wie sinn dann die zwaa iwverhaapt zamme kumme? De aane erkleert sichs mit de Gäjefroag: „Wie kimmt Kuhmeschd uffs Dach?“ De anner maant, „die Lieb uffde ärschde Blick“ weer Schuld drou gewääst. Awwer ich behaupt uff Grund vun mancher Erfahrung: Die Lieb uffde ärschde Blick bringt nor in Romaase un Ziaarerschdicke Glick, doch im gewehnliche Lääwe dabbt mer doodemit meischt denääwe. Däs mit dem Kuhmeschd will ich net neher ererdern.

Woas is dann iwverhaapt Lieb?“ hot mich neilichmool e Frailoinche gefroagt un hot schmeichelhaft zugefliegt: „Se wisse doch alles.“ „Ja, Frailoinche“ hääb ich gesoat, „wann Sie däs net wisse, wie kennese dann velange, daß däs en Mann noch waaß, där wuu schun ball aanunsiebzig Joahr is?“ „Es Aelder schbeelt doch in de Lieb kaa Roll“, hot das Liewesje gemaant. „Awwer en Oalde kann doodebei leicht aus de Roll falle, lieb Kind!“ häwwich zor Antwort gäwwe. „Awwer die Sach inträssiert mich sälbschd. In moiner Jugendzeit häwwich mer neemlich niemols Rächenschaft driwver gäwwe. Im Aelder is mer awwer noachdenklicher worrn. Awwer däs aane soag ich Ihne: ich gäbb moi Ordaal

nor schrifdlich oab. Lääse moin Bericht im „Bäikschdräßer“ unner de Iwwerschrift „Rings um die Lieb“ un Sie wisse gena, wie ich heit iwwer den Gäijeschdand denk.“ — Hoffentlich liestses.

Woas kann es Wärtche „Lieb' bedei? —
De Urschbrung vuneme Närveleide,
Glickseligkeit — en Seeleschmäz,
En Worm, wuu schdennig noagt am Härz,
Die häichschd Erfüllung un Endeischung,
E gäjeseitig Härzensneigung,
E Liejerei uff beide Seite,
E Näckerei um Klaanigkeite,
En Ouschborn un en Grund zum Schdräawe,
En grouße Daal vum Menscheläawe,
En Hoffnungsschdroahl — en Wärmutsdrobbe,
En Grund, die Hoarn sich auszerobbe,
Die Wieg vun Schdreit un vun Vedruß,
En Sälbschdbetrug — e houhli Nuß,
Flackerfeier un en Brand,
Wuu kaans ze lesche is im Stand,
süß Gehoimnis — häischde Glut,
Net sälde aa Beweis vun Mut,
En Grund zum dichte un zum drinke,
Eruff ze kumme un ze sinke. — Groad wie es Schicksoal es hoalt wollt:
E Hand voll Dräck — e Hand voll Gold! — jst.